



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0038947 26
Travnik, 23.06.2026.godine

OPĆINSKOM SUDU U TRAVNIKU

- Sudiji za prethodno saslušanje -

Na osnovu odredbe člana 45. stav 2. tačka „h“. člana 241 stav 1 Zakona o krivičnom postupku Federacije Bosne i Hercegovine, podižem

O P T U Ž N I C U

Potvrđena dana 29.06.2026. godine

Protiv:
B. K.

Zbog postojanja osnovane sumnje da je:

Dana 23.12.2025.godine oko 00,30 sati, u ugostiteljskom objektu BH Play Mozart Casino Poslovnica Vitez u vlasništvu pravnog lica Mozart BH Play Casino d.o.o. AC Vitez, u ulici Stjepana Radića u Vitezu, općina Vitez, ošteti tuđu stvar, aparat za igre na sreću serijskog broja ***-Fazi Rulet, na način da dok se nalazio u tom ugostiteljskom objektu i doveo u alkoholisano stanje sa koncentracijom alkohola u krvi od 1,99 promila i igrao igre na sreću tzv. rulet preko ekrana koji se nalazio nasuprot njega i sjedio na stolici dok je igrao, i kako je počeo gubiti novac na ruletu i izgubio oko 500,00 KM i ponovo zavrtio igru i obratio se ženskoj osobi koja se nalazila do njega i igrala istu igru na sreću riječima „ako mi rulet ne dadne novac ovaj put, ja ću ga slupati“, i kako se desilo da u slijedećem krugu te igre na sreću je ponovo izgubio novac, snažno je šakom desne ruke zamahnuo i udario u stakleni displej ekrana preko kojeg je igrao tu igru na sreću, kojom prilikom se ekran nije razbio, te je ponovo snažno zamahnuo šakom prema displeju ekrana na kojem se od težine udarca staklo na ekranu razbilo i prosulo po podu, svjestan da će pomoću fizičke snage udarcima u nekoliko navrata na staklo ekrana isto oštetiti, razbiti i uništiti, što je i htio.

Čime je počinio krivično djelo Oštećenje tuđe stvari iz člana 293. stav 1. KZ F BiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom